

402 407
Հրատարակութիւն Թիֆլիսի Հայոց Գիւղաւնտ. և
Տնայնագործ. Ընկերութեան.

Ն. Պ. ՏԱՐԱՏԻՆՈՎ

ՀԱՄԱՌՈՏ ՑՈՒՑՄՈՒՆ Ք
ԱՆԻԲԱՈՎ ԿԱՍՈՒՄ

ԱՄԵՐԻԿԱԿԱՆ ԲԱՄԲԱԿԻ
ՄՇԱԿՈՒԹԵԱՆ ՄԱՍԻՆ

Երկրորդ տպագրութիւն

633.41
S-26

Թարգմ. և Նախնջեանի

Թիֆլիս

Տպարան Ընկ. «ՆԱԴԵԺԴԱ» Բարոնսկի № 14

1915

19.090

633.41

S-26

30 JUL 2010

Հրատարակութիւն թիֆլիսի Հայոց Գիւղաանտ. և
Տնայնագործ. Բնկերութեան.

Ն. Պ. ՏԱՐԱՏԻՆՈՎ

1007
32342

ՀԱՄԱՌՕՏ ՑՈՒՑՄՈՒՆՔ
ԱՆԴԻԿՈՎԿԱՍՈՒՄ

ԱՄԵՐԻԿԱԿԱՆ ԲԱՄԲԱԿԻ
ՄՇԱԿՈՒԹԵԱՆ ՄԱՍԻՆ

Երկրորդ տպագրութիւն

Թարգմ. Ն. Նարինջկանի



12 AUG 2013

Յ Ա Ռ Ա Ջ Ա Բ Ա Ն

Սրանով մենք տալիս ենք բամբակագործութեան
յայտնի մասնագէտ Նիկոլայ Պաւլովիչ Տարատինովի
„Краткое наставление къ разведению американского
хлопчатника въ Закавказьѣ“ գրքոյի թարգմանու-
թիւնը հարադատօրէն, առանց որևէ փոփոխութեան
և առարկող ծանօթութիւնների, չնայելով, որ մի քանի
խնդիրներում համաձայն չենք նրա կարծիքներին և
առաջարկութիւններին: Մեր արած դիտողութիւնների,
կատարած փորձերի և ուսումնասիրութիւնների ար-
դիւնքը թողնելով մօտիկ ապագայում առանձին գրքով
հրատարակելու՝ յուսով ենք, որ ներկայ գրքոյի
հարստացնելով բամբակի արդիւնաբերութեամբ զբաղ-
ւող հայ երկրագործի աղքատիկ գրադարանը, նրա
համար օգտակար ուղեցոյց կձառայի բարելաւելու և
թեթեւացնելու բամբակի մշակութեան դառն ու ծանր
աշխատանքները:

Բամբակագործութեան մասին մեր գիւղատնտե-
սական գրականութեան մէջ, չհաշւած մասնաւոր լրա-
գրական յօդւածներն յայտ ու այն թերթերում, գլխա-
ւորապէս «Գիւղատնտեսի» մէջ, հրապարակի վրայ կայ
ընդամենը երկու գրքոյի,—Ա. Աթանասեանի „Բամ-
բակը և նրա մշակութիւնը“ և Յով. Պետրոսեանի
«Ի՞նչպէս բամբակը մշակել»: Դրանք երկուսն էլ ինք-
նուրոյն կազմած աշխատութիւններ են և գործնական
տեսակէտից ուշագրւութեան արժանի. ցանկալի է,

որ բամբակի արդիւնաբերութեամբ պարապող մեր գիւղացիներն ունենան իրանց ձեռքի տակ, թէկուզ հէնց այն պատճառով, որ շատ մատչելի են ամեն կողմից և աւելի կատարեալ ու ընդարձակ աշխատասիրութիւն այդ նիւթի մասին դեռ չունենք. իսկ Ն. Պ. Տարատինովի ներկայ «Համառօտ ցուցմունքը», որ կազմած է անտարակոյս շատ աւելի կարող և հմուտ ձեռքով, զալիս է հաստատելու և լրացնելու նրանց ասածներն ու տւած խորհուրդները:

«Համառօտ ցուցմունքի» ուսեսերէն բնագիրն առաջին անգամ լոյս է տեսել 1911 թ. Ապրիլին 1000 օրինակով, որ հէնց նոյն տարին էլ սպառուել է: Ապա նոյնութեամբ արտատպւել է Կայսերական Կովկասեան Գիւղատնտեսական Ընկերութեան օրգանում («Кавказское хозяйство») և այդ տեղից նոյն Ընկերութեան Խորհրդի կարգադրութեամբ արտատպւել է առանձին էլի 1000 օրինակ: Նոյնպիսի արտատպումն է արել Սուխումի Գիւղատնտեսական Ընկերութիւնը իր թերթում («Черноморский Селянин»): Ապա թարգմանւած է վրացերէն, յետոյ գերմաներէն, որ տպւել է Թիֆլիզում հրատարակող գերմանական «Kaukasische Post» լրագրում:

Ռուսերէնը երկրորդ հրատարակութեամբ լոյս է տեսել 1912 թ., որից 1913 թ. թարգմանւած է թուրքերէն:

Մենք էլ այժմ տալիս ենք բնագրի երկրորդ հրատարակութեան հայերէն թարգմանութեան երկրորդ հրատարակութիւնը հեղինակի բարեհաճ համաձայնութեամբ:

Ե. ՆԱՐԻՆՋԵԱՆ

1915 թ. մարտի 25-ին
Իզդիր:

ՀԱՄԱՌՕՏ ՅՈՒՑՄՈՒՆՔ ԱՆԴՐԿՈՎԿԱՍՈՒՄ ԱՄԵՐԻԿԱԿԱՆ ԲԱՄԲԱԿԻ ՄՇԱԿՈՒԹԵԱՆ ՄԱՍԻՆ

1. Ո՞րեղ կարելի է պարապել բամբակագործութեամբ:

Բամբակագործութեամբ կարելի է պարապել Անդրկովկասի բոլոր այն հարթութիւնների վրայ, որոնք ունեն Սև ծովի մակերևոյթից մինչև 3000 ոտնաչափ, իսկ Երևանեան նահանգում՝ մինչև 3500 և նոյն իսկ 4000 ոտնաչափ բարձրութիւն:

Բամբակագործութեամբ չի կարելի պարապել միայն այնպիսի տեղերում, ուր գալիս են չափազանց շատ անձրևներ, ինչպէս, օրինակ, Բաթումի շրջանում, Սևծովեան նահանգի Սոչիի շրջանում կամ, օրինակ, Լենքորան գաւառի հարաւում, որովհետև աւելորդ անձրևների շնորհիւ, մանաւանդ աշնանը—սեպտեմբեր և հոկտեմբեր ամիսներին,—բամբակը չի հասնում և նրա յատկութիւնը փչանում է:

Աշնան առատ անձրևներից տրանջում են

յաճախ նաև Բագլայ նահանգի Ղուբայի գաւառում և Գանձակի նահանգի Նուխայ գաւառում, ուստի այդ տեղերում անհրաժեշտ է բամբակը ցանել առուներով— թմբերի վրայ, որպէսզի աշնանային աւելորդ անձրևները շատ վնաս չհասցնեն: Այդպիսի նախազգուշութեան միջոցով հաւանական է, որ բամբակագործութիւնը հետաւոր դառնայ նաև Լենքորան գաւառի հիւսիսային մասում, այսինքն Բուզարուշայ գետի կից բայօններում, ինչպէս, օրինակ, Անդրէկա, Նովոդոլկա և այլ գիւղերում: Վերջին տարիներս՝ բամբակի սաստիկ թանգանալու պատճառով՝ բամբակագործութեամբ աջող կերպով սկսեցին պարապել տեղ-տեղ նաև Հիւսիսային Կովկասում, ինչպէս, օրինակ, Թերեքի նահանգի Սասաւ-Իւրտի շրջանում, Կուբանի նահանգում և այլն: Ել աւելորդ է ասել, որ ոչ պակաս աջողութեամբ կարելի է պարապել բամբակագործութիւնով Սոնախի և Թէլաւի գաւառներում, Արագանի հովտում, տեղ-տեղ Իօրա գետի շուրջը, առաւել ևս Թիֆլիսի նահանգի Լագոդեխի բայօնում և Զաքաթալայի շրջանում:

Վերջին թւած բոլոր բայօններում գալիս են բաւական անձրևներ, ուստի այդ տեղերում կարելի է պարապել բամբակագործութեամբ առանց արհեստական ոռոգման, առանց բոլորովին ջրելու: Վերջապէս Հողաշինութեան Դե-

պարտամենտը վերջին տարիները սիստեմատիկ փորձեր է անում բամբակագործութիւնը մտցնելու նաև Ռուսաստանի հարաւում, Բեսսարաբիայի, Խերսոնի, Տաւրիկեան և այլ նահանգներում:

2. Տեղի ընտրութիւնը.

Բամբակին յատկացրած տեղն ամբողջ օրը պէտք է լինի արևի տակ. այսինքն պէտք է ազատ լինի ծառերի, շինութիւնների և նոյն իսկ բարձր ցանկապատերի սոււերից: «Բամբակի բոյան արևի զուակ է», ինչպէս ասում են ամերիկացիք, ուստի և ամենից աւելի նա արևի կարիք ունի: Աւելի ևս լաւ է, առանձնապէս ջրարբի վայրերում, որ բամբակի դաշտը փոքր ինչ թեքութիւն ունենայ դէպի հարաւ, հարաւ-արևմուտք կամ հարաւ-արևելք: Զրովի տեղերում, մանաւանդ երբ հողը կաւոտ է և պինդ, այդպիսի զգալի թեքութիւն ունեցող արտենա աւելի հեշտ են ջրում. ջուրը նրանց մէջ չի լճանում և դրա համար էլ հողը լինում է աւելի ցամաք, տաք ու փուխր, քաղախոտը լինում է սակաւ և բամբակը բացւում է աւելի վաղ, իսկ մշակութիւնն էլ աւելի էժան է նստում: Հողերին այդպիսի թեքութիւն պէտք է տալ նոյն իսկ արհեստական միջոցով, ինչպէս այդ անում են Բուխարայում և Ֆերգանում: Ամբողջ դաշտերի այդ-

պիտի կանոնաւոր զառիւվայր դիրքը խիստ դիւ-
րացնում է արհեստական ոռոգումը. դրա շնոր-
հիւ բոլոր ցանքերը ջրւում են չափազանց կանո-
նաւոր ու տնտեսօրէն, և այդ ամենը մեծապէս
նպաստում է բոլոր բերքերի շատանալուն, մանա-
ւանդ բամբակի բերքի: Իսկ Քուլթայիսի նահան-
գում, որտեղ լինում են առատ անձրևներ և հողն
էլ առհասարակ աւելի խոնավ է, բամբակի համար
միմիայն այդպիսի հողամասերը կարող են պի-
տանի համարել և ցանքն էլ հարկաւոր է անել
վերը յիշած ձևով՝ բարձր թմբերի վրայ, ինչպէս
այդ անում են Հիւսիսային Ամերիկայի այն
բոլոր վայրերում, ուր գարնանը և ամրանը
առատ անձրևներ են գալիս:

3. Հ ո ղ ը.

Բամբակի համար ամենից յարմարը՝ թեթև,
փուխր և խոտաբոյսերից ազատ հողն է: Չափա-
զանց լաւ է, եթէ հողի մէջ կայ շատ աւազ և
փոքր քանակութեամբ մանր քարեր, որ դարձ-
նում են նրան աւելի փխրուն և աւելի տաք:
Շատ լաւ են նաև այն հողերը, որոնք հարուստ
են կրով, նոյնպէս և սևահողերը, ուրիշ խօսքով՝
այն բոլոր հողերը, որոնք Կովկասում բանջարա-
նոցների — բոստանների համար համարւում են

պիտանի և ընտիր, այսինքն տաք են, փուխր,
բերքի և քաղախոտերից ազատ:

4. Հ ո լ ն ղ ը.

Ամերիկական բամբակի ընտիր հունդը-սերմը
պէտք է ծածկւած լինի սպիտակ կամ կանաչ
աղւամազով և երբեք չպիտի լինի մերկ կամ սև
կեղևով. վերջին տեսակ հունդն առհասարակ
Կովկասի համար շատ սխիտանի չէ, որովհետև սև
ու մերկ սերմերն առաջացել են կամ եզիպտա-
տական տեսակներից, կամ ամերիկական Sea
Island (Սի-Այլանդ), այսինքն ծովափնեայ տեսա-
կից, որոնք մեր չոր կլիմային անհամապատաս-
խան են: Իսկ աւելի յաճախ՝ այդ մերկ սերմերը
չհասունացած, խակ սերմեր են, որովհետև բամ-
բակի վերջին երես բերքի մէջ սև, մերկ սերմեր
լինում են բաւական քանակութեամբ ամեն տեղ
և միշտ: Ապա լաւ հունդը չպէտք է լինի շատ
խոշոր, որովհետև այդպիսի հնդի բամբակը ուշ
է բացւում և հնդաւորից (կորիզով) տալիս է հա-
մեմատաբար աւելի փոքր տոկոս մանրու՝ մաք-
րած բամբակ. վերջապէս խիստ ցանկալի է, որ
հունդը լինի փաղահաս տեսակի, ինչպիսին է
յայտնի «կինգ» տեսակը, որը համարեա ամբողջ
մի ամսով աւելի շուտ է բացւում, քան միւս
տեսակները և տալիս է աւելի մեծ տոկոս մահ-

լուծ, այն է $33-34^0/0$, փոխանակ միւս տեսակներին սովորական $28-30^0/0$ -ի:

Իսկ սերմացու հնդի որակը, այսինքն ծլելու ընդունակութիւնն իմանալու համար, պէտք է լայնութեամբ կիսել մի քանի հոնդ և դիտել: Առողջ սերմերի միջուկը լինում է բաց գոյնի՝ պարզօրէն նկատելի սև կէտերով, իսկ թուխ կամ մոխրագոյն միջուկներով հոնդը անպէտք է ցանկելու համար:

5. Հողի մշակութիւնը.

Բամբակի համար հողի մշակութիւնը պէտք է սկսել աշնանից և վարել գութանով 4 վերջոյ խորութեամբ, իսկ գարնանը կրկնավար անել աւրօրով կամ «չութով», ապա ցաքանել, հաւաքել փասսակար խոտերը (չահիրը) և յետոյ ցանել: Իսկ եթէ աշնանը չի յաջողւել վարել, ապա պիտի աշխատել վարել որքան կարելի է շուտ, — Յունւարին, Փետրւարին կամ գոնէ Մարտի սկզբին: Սակայն վերջին դէպքում, եթէ հողը պինդ է և խոտակալած, աւելի լաւ է այլևս գութանով չվարել և ամբողջ շերտերով շուտ տալ, որ այնուհետեւ էլ չի կարող փափկել, այլ հարկաւոր է ճեղքոտել հողը բազմախոփ գութանով (թեթև աւազոտ հողերում) կամ արօրով լայնութեամբ և երկայնութեամբ մի քանի անգամ,

և ինչքան հնարաւոր է՝ խոր: Բայց անհրաժեշտ է միշտ յիշել, որ որքան լաւ, այսինքն խոր, մաքուր և վաղօրօք հերկւի հողը, այնքան էլ աւելի առատ բերք կստացւի: Մեր հողերը, մասնաւոր երևանեան նահանգում, տալիս են շատ չնչին բերք, ոչ միայն նրա համար, որ ուժից ընկել են, այլ և այն պատճառով, որ պնդացել են յաճախակի ջրելուց, կարծրացել, կոշտացել, աղքատացել են: այդպիսի հողերի բերքը բարձրացնելու համար անհրաժեշտ է պարարտացնել, իսկ դրանից էլ աւելի՝ եռանդուն կերպով և կանոնաւոր մշակել:

6. Յ ա ն ք ը.

Ամբողջ Անդրկովկասում բամբակ ցանկելու ամենալաւ ժամանակամիջոցն է Ապրիլի 10-ից մինչև 20-ը: Երբ գարունը շուտ է բացւում, կարելի է ցանքն սկսել և Ապրիլի 1-ից, բայց վերջացնել անպայման հարկաւոր է Մայիսի 1-ից ոչ ուշ. ապա թէ ոչ բամբակի բոյսի հասունանալը յետ կընկնի և լիակատար արգիւնք չի տալ: Անհրաժեշտ է բամբակը ցանել կանոնաւոր շաւրքերով՝ մէկը միւսից $1-1\frac{1}{4}$ արշին հեռաւորութեամբ, իսկ շարքերում՝ մի բոյսը միւսից թողնել 6—8 վերջոյկի վրայ: Այդ կարգի հեռաւորութիւններով մի գետեաւորում պէտք է ցանել

2—2 $\frac{1}{2}$ փութ հունդ և երբէք 3 փթից աւելի։
Իսկ աւելի լաւ է ցանել ձեռքով՝ բուն—բուն,
իւրաքանչիւր բնում քցելով 2—3 սերմ։ այն
ժամանակ կպահանջւի 30—35 գր. հունդ կամ
1 փթից ոչ աւելի։ Երբ բամբակը շաղացան է
անում, մի դեսեսաւինում ցանում է 6—8 փութ,
մինչև անգամ 10 փութ. իսկ որովհետև այժմ
լաւ հունդն արժէ փութը 1 մանէթից ոչ պակաս,
հետևապէս 6 - 8 բութի աւելորդ ծախս է լի-
նում հենց միայն սերմի վրայ։ Ինքը՝ շաղացանը,
ճիշտ է, էժան է նստում, բայց մնացած բոլոր
աշխատանքները, ինչպէս քաղհանը, չանագը
(բամբակի ժողովելը) և այլն, անհամեմատ աւելի
թանգ է լինում, քան շարքացանին։

Բամբակի շարքացանը, որ համեմատած
շաղացանի հետ շատ աւելի կանոնաւոր է, խիստ
դիւրացնում է մշակութեան և խնամքի բոլոր
աշխատութիւնները, ինչպէս, օրինակ, քաղհանե-
լը, ջրելը, չանագելը, և այդ աշխատանքները
հեշտութեամբ կարող են կատարել նաև կանայք.
մինչդեռ շաղացնում այդ շատ դժւար է, շնոր-
հիւ կանացի հագուստի։

Բացի այդ, շարքացանում բամբակի բոյ-
սերն աւելի կանոնաւոր կերպով են օգտւում
արեգակի լոյսից, մանաւանդ երբ հողի թեք ած-
քը՝ ջրի ընթացքով թոյլ է տալիս շարքերը քցել
հիւսիսից հարաւ, իսկ դրանից բամբակը և աւելի

շուտ է բացւում, և աւելի շատ բերք է տալիս.
արտն էլ ամառույ ընթացքում պահանջում է
աւելի քիչ ջուր, որ նոյնպէս չափազանց կա-
րևոր է։

Բամբակը կարելի է շարքերով ցանել ամե-
րիկական Բանների միաձի շարքացան մեքենայով
(այդ մեքենաները ծախւում են Թիֆլիսում
Սուֆերմանի և Ուլացի մօտ. կամ Սոյս. Սովկ.
Գիւղ. Ընկ. մօտ հատը 35 բութի), կամ ձեռ-
քով՝ նախապէս արօրով պատրաստած աղօսների
մէջ։ Բամբակի ցանելն ամենակարևոր աշխա-
տանքներից մէկն է, որովհետև կանոնաւոր կեր-
պով կատարւած ցանքը կիսով չափ ապահովում
է բամբակի լաւ բերքը։ Բամբակի սերմը հար-
կաւոր է թաղել քիչ խորութեամբ՝—¹/₃ վերջով
և ոչ մի դէպքում 1 վերջովից աւել. սերմերը
կարելի է ծածկել հողի մէջ ցաքանով կամ փոց-
խով, այսպէս կոչւած „տափանով“, այսինքն
յատուկ տախտակով, որ քաշ են տալիս մի գոյգ
եղներ կամ ձիեր։ Երբէք չպէտք է դիմել ցանե-
լու երբեմն գործադրող այն վայրերի ձևին, երբ
հունդը համարեա բոով էին լցնում, որպէսզի այդ
միջոցով մաքառեն հողի երեսը կեղևակալելու
(դասնադելու) դէմ։ Աւելի լաւ է ցանելուց առաջ
նախօրօք ջրել կամ բները պարարտացնել աղ-
բով, աւազով, քան թէ հունդը բոով լցնել, որով-

հետև իւրաքանչիւր բնի մէջ վերջում լինելու է մէկ—երկու բոյս, իսկ աւել՝ երբէք:

7. Ձ ր ե լ ր .

Եթէ հարկաւոր է լինում բամբակը ցանելիս ջրել, ինչպէս անում են Թիֆլիսի, Գանձակի, Բագլայ և Երևանի նահանգներում համարեա ամենուրեք, այն ժամանակ ցանկալի է պատրաստի արտը նախ ջրել, այսպէս ասած, «արաթ» անել. 2—3 օր յետոյ, երբ հողը փոքր ինչ կը ցամաքի, երեսանց կրկին արօրել և ապա արդէն ցանել: Բայց այդ աշխատանքն յաջողութեամբ կատարելու համար անհրաժեշտ է, որ արտը լինի հարթ, որպէսզի համահաւասար ջրէի. ապա թէ ոչ՝ կանոնաւոր կերպով չի ցամաքի, մի տեղ շուտ կչորանայ, իսկ միւսը կմնայ խոնաւ, որի պատճառով ցանքն անաջող դուրս կգայ: Եթէ արտը նախապէս ջրուում է (արաթ), ապա ցանելուց մէկ կամ երկու օր առաջ հարկաւոր է հունդը ջուրը դնել, որպէսզի շուտ ծլի:

Այս ձևով ջրելու դէպքում, եթէ յաջող է արւած, արտում զանազան մանր քաղախոտեր անհամեմատ աւելի քիչ կլինին, հողը կմնայ փութիւր ու հաստ կեղև չի կապի, և առհասարակ բամբակի բոյսերը կկանաչեն ու կաճեն աւելի ներդաշնակ կերպով և աւելի առողջ. վեր-

ջապէս, այդպիսի արտը հարկաւոր չափով խոնաւութիւն կպահպանի իր մէջ աւելի երկար ժամանակ, քան այն դէպքում, երբ ջրուում է ցանելուց յետոյ: Եթէ արտը ջրուում է ցանելուց յետոյ, ապա էլ աւելորդ է նախապէս հունդը ջրի մէջ դնել: Հարկաւոր է միայն փոքր ինչ թրջել, որ կարելի լինի տրորել աւազով, մոխրով կամ փէյնով դիւրութեամբ ցանելու համար:

Արևելեան Անդրկովկասում, ընդհանրապէս ասած, հարկաւոր է լինում բամբակը ջրել: Եթէ որեւէ տեղ, հողի կամ կլիմայի խոնաւութեան պատճառով և կամ անձրևների շնորհիւ, կարելի է լինում բամբակը ցանելիս չջրել, ինչպէս, դիցուք, Քուլթայիսի նահանգում, Զաքաթալայի շրջանում, Կախեթիայում, ապա այդպիսի վայրերից շատերում կարելի է բամբակի շատ լաւ բերք ստանալ առանց բոլորովին ջրելու: Յամենայն դէպս, բամբակը հարկաւոր է ջրել միշտ մեծ զգուշութեամբ և համարեա միշտ աւելի լաւ է ջրել չափաւոր, քան առատօրէն, առանձնապէս ամառայ վերջում, Օգոստոս ամսին: Առհասարակ չպէտք է մոռանալ, որ ջրելը պնդացնում ու սառեցնում է հողը և նպաստում է երեսը կեղևակալելուն, որ յետոյ ճաքեր է տալիս և միաժամանակ ուժեղացնում է նաև քաղախոտերի զարգացումը:

Ուստի եթէ յոյս կայ, որ բամբակը կարող է լաւ կանաչել առանց ջրելու, ապա այդ պիտի համարել աջողութեան առաջին քայլը: Այսպէս, օրինակ, Ղարաբեկի փորձադաշտում համարեա ամեն տարի աջողութեամբ է բամբակը լաւ կանաչացնել առանց արհեստական ոռոգման, որովհետեւ ցանքի ժամանակ, այսինքն մօտաւորապէս Ապրիլի կիսին, համարեա միշտ անձրևներ են գալիս, և հողն առանց ջրելու էլ՝ կանաչելու համար ունենում է բաւական խոնաւութիւն: Այդպիսի ցանքեր աջողութեամբ անուում են Անդրկովկասի նաեւ ուրիշ վայրերում: Ընդհանրապէս ասել թէ Անդրկովկասում բանի անգամ հարկաւոր է բամբակը ջրել՝ այդ բաւական դժուար է. Քութայիսի նահանգում բամբակն ամենին չի ջրուում: Այդպէս էլ՝ առանց բոլորովին ջրելու՝ ստացւել են բամբակի թէ քանակով և թէ յատկութեամբ գերազանց բերքեր Թիֆլիզի նահանգի Լազոդեխի ըայօնում: Մուղանում բամբակի հողը լաւ կշտացնում են առատ ջրով (постоянное орошение) ընդամենը մի անգամ ցանալուց առաջ և այլևս չեն ջրում: Իսկ Բագլայնահանգում տեղ տեղ, ինչպէս, օրինակ, Սալեանի մօտ, բամբակը ջրում է տարեկան երկու անգամ, բայց պէտք է նկատել, որ երկրորդը բոլորովին աւելորդ է, որովհետեւ դա միայն զօրացնում է քաղախութիւնը և նւազեցնում պտղատուութիւնը:

Այնտեղ մէկ անգամ ջրելով էլ բամբակի համար լինում է բաւական խոնաւութիւն, անհրաժեշտ է միայն հողը յաճախ փութրացնել: Գանձակի նահանգում ջրում են 2—3 և 4 անգամ: Նոյնն անում է նաեւ խիստ քամոտ և չորային Ղարաբեկում: Եղել են տարիներ, երբ Ղարաբեկի փորձադաշտում բամբակը ջրել է ընդամենը երկու անգամ: Անդրկովկասի բոլոր վայրերից ամենից շատ բամբակը ջրում է Երևանեան աւելի բարձրագիւր ու չորային նահանգում, որտեղ հազիւ է պատահում, որ բաւականանան 4—5 անգամ ջրելով. յաճախ ջրում են մինչև 10 անգամ և դեռ աւելի: Բայց այդ ձևն անպայման պէտք է համարել անկանոն. բամբակը հարկաւոր է սակաւ ջրել և աւելի յաճախ փութրացնել: Ամերիկացիք ուղիղ են ասում, որ ծոյլ տէրը միշտ ջրում է, իսկ գործունեան մշակում է— փութրացնում ձիով կամ ձեռքով: Բուխարայում և Թուրքեստանում բամբակի առաջին ջուրը տալիս են ցանելիս կամ յաճախ՝ այսպէս ասած— «արաթ» են անում,— ջրում են նախ քան ցանելը և ապա աշխատում են չջրել մօտ 60 օր, իսկ այնուհետեւ ջրում են կանոնաւորապէս իւրաքանչիւր 20 օրը մի անգամ: Բայց առաջին ջրից մինչև երկրորդն աշխատում են չջրել ցանքը և թողնում են որոտալ: Անդրկովկասում փերջին ջուրը պէտք է տալ

1007
3934

А. А. МАСНИКОВ
УЧЕНИК

Օգոստոսի 10—15-ից ոչ ուշ. սակաւ դէպքերում ու քիչ տեղերում կարելի է ջրել Օգոստոսի վերջերին և Սեպտեմբերի սկզբներին, սակայն այդ էլ արդէն շատ ուշ է, որովհետեւ ուշացած ջուրը կարող է յետաձգել բամբակի բացւելը. բամբակի բոյսերը չեն հասունանայ և աշնան վաղահաս ցուրտը—շախտան կտայ նրանց:

8. Բամբակի խնամքը.

Եթէ ջրելուց կամ անձրևներից հողի երեսը կեղև է գոյանում, որի տակից բամբակի մատաղ ու քնքոյշ ծիւերը չեն կաբող դուրս գալ, ապա անհրաժեշտ է փոցխով կամ «տափանով» փշրել այդ կեղևը և որքան կարելի է շուտ: Յանելուց յետոյ բամբակի բոյսերն աճում են խիստ դանդաղօրէն, այդ պատճառով ամեն միջոցներով պէտք է նպաստել, որ նրանք աւելի թափով գարգանան. դրա համար անհրաժեշտ է կտնաչելուց մէկ կամ ամենաուշը երկու շաբաթ յետոյ՝ նոսրացնել բամբակի բոյսերը, եթէ խիտ են, և նրանց հնարաւորութիւն տալ շուտ և լաւ զօրանալու քաղախոտերը պէտք է մաքրել հիմնովին և հողն անպայման փոխրացնել, որնոյն պէս նպաստում է բամբակի բոյսերի արագ և առողջ աճմանը: Երբ բոյսերը միմեանցից բաւարար չափով հեռաւորութիւն ունեն, նրանք աւե-

լի հեշտութեամբ և շատ են ճիւղաւորում, իսկ այդ ճիւղերի վրայ է, որ ստացւում է բամբակի համարեա ամբողջ բերքը: Եթէ որևէ տեղ ցանքն անւում է շարքերով բուն—բուն՝ շախմատաձև կամ քառակուսի, ապա հարկաւոր է բոյսերի արանքը՝ երկու կողմի վրայ էլ թողնել մի արշինից ոչ պակաս, որպէսզի կարելի լինի մէջը ձիով աշխատել, իսկ իւրաքանչիւր բնում թողնել երկու բոյսից ոչ աւել, որովհետեւ երեքն արդէն միմեանց ճնշում են և բերքը պակաս է չինում:

Յամենայն դէպս ամառւայ ընթացքում արտը անպայման պէտք է մի քանի անգամ խնամբով և լաւ փոխրացնել, այսինքն ամբողջ հողի երեսը խրխրել հաւասարապէս, բայց ոչ այնքան խոր, 1 վերջոյից ոչ աւել: Այդ աշխատանքն առանձնապէս կարևոր է նրա համար, որ լոյսն ու օդը աւելի մեծ չափով են մատչելի դառնում հողին, որով արագանում է բոյսերի աճումը և դրա հետ միաժամանակ պակասում է հողի ներսից խոնաւութեան գոլորշիացումը, իսկ այդ բոլորը միասին նպաստում են բամբակի աճեցողութեան, հասունանալուն և առատ պտղատուութեան: Շարքացան արտերում՝ միջանցքների փոխրացնելը շատ հեշտ, յարմար և էժան կերպով կատարւում է այսպէս կոչւած քաղհանիչ—բուզիլից*)

*) Այդ գործիքը (полполникъ окучникъ) ծախւում է Թիֆլիզում 25—30 ռ.

գործիքի օգնութեամբ մի ձիով կամ մի զոյգ եզով *)։ Ձիու այդպիսի մի քաղհանիչը կարող է փոխարինել ձեռքի ուրազներով (թոխիկներով) աշխատող 20 բանուորի։ Ուրտեղ ձի չկայ՝ կարելի է բանեցնել մի զոյգ եզով, որոնց լծի երկարութիւնը պէտք է անել երեք շարքի միջանցքներին հաւասար, որպէսզի եզները գնան երկու կողքի միջանցքներով, իսկ քաղհանիչ մեքենան, մաճը բռնող բանուորի հետ միասին, նաև եզներին առաջնորդող, քաշողը անցնեն մէջտեղի միջանցքով։ Այդ աշխատանքը ձիով կատարուում է աւելի արագ և հեշտութեամբ, բայց, ինչպէս ասեց, ձի չունեցած դէպքում կարելի է աշխատել նաև եզներով։ Իսկ բացառապէս ձեռքի աշխատանքը, որ մինչև այժմ գործադրում են Անդրկովկասի բոլոր տեղերում, միանգամայն ցանկալի չէ։ Ձիով գործիքների գործածութիւնը շատ սիրուն կերպով պատրաստում է հողը նաև բամբակից յետոյ ցանուղ յաջորդ բոյսերի համար, որոնք միջանցքների հողի փոխարանալու շնորհիւ նոյնպէս գեղեցիկ բերք են տալիս։ Առհասարակ այդ գործիքները տնտեսութեան մէջ գերազանցօրէն անհրաժեշտ են ամեն տեսակ շարքացան

*) Կան և ձեռքի քաղհանիչներ, 16—18 բուրլի արժողութեամբ, խարկովում և Ռոստովում Հելֆերիս Սադէի մօտ, որոնք թիթև են և կարող են մարդիկ բանեցնել։

բոյսերը մշակելիս—խաղողի վազեր, ծխախոտ, եգիպտացորեն, բանջարանոցային բոյսեր, պըտղատու ծառեր և այլն։

Երբ գործն այդ ձևով է տարւում, ձեռքի ուրազներով կամ թոխիկներով թանգարժեք աշխատանքը քնում է գործադրել միայն բոյսերի արանքում, բոյսերի շուրջը, որով ամբողջ մշակութիւնն անհամեմատ աւելի էժան է նստում և պահանջում է աւելի քիչ բանուոր ձեռքեր։ Շարքացանն էլ յանձնարարում է հէնց այն նպատակով, որ նւազի բանուոր ձեռքերի թիւը և կրճատեն առհասարակ մշակութեան ծախսերը։ Բայց բանուոր ձեռքերի թիւն էլ աւելի պակսեցնելու և մինիմումին — ամենաքչին հասցնելու համար՝ պէտք է բամբակի շարքացանն անել շախմատաձև. այդպիսի ցանքում ձիով մշակութիւնը հնարաւոր է կատարել թէ երկայնութեամբ և թէ լայնութեամբ, որով ձեռքի աշխատանքը համարեա ամբողջովին կփոխարինւի ձիու մեքենայական աշխատանքով և մշակութիւնն էլ աւելի էժան կ'նստի։ Բամբակի արտը ձիով միապաղաղ կերպով պէտք է փոխրացնել անպայման իւրաքանչիւր անգամ, երբ ջրում է կամ սաստիկ անձրևներ են գալիս, հէնց որ հողը ցամաքի այնքան, որ սկսի փխրել և չկպչել գործիքին, այսինքն, երբ քէշը գայ. փոխրացնելը հնարաւորութեան չափ պէտք է յաճախ կրկնել, ոչ սա-

կաւ, քան իւրաքանչիւր 2—3 շաբաթը մի անգամ, մինչև որ բամբակի ճիւղերը խառնւեն միմեանց:

9. Ծայրեր սալը.

Բամբակի հասունանալն արագացնելու և պտղատուութիւնն աւելացնելու համար՝ խիստ օգտակար է ցօղունների ծայրերը կմճել կամ կտրել, երբ նրանք հասնին $3\frac{1}{4}$ —1 արշին բարձրութեան: Բայց այդ պիտի անել Յունիս ամսի առաջին կիսում և Յուլիսի 1-ից ոչ ուշ, ապա թէ ոչ բամբակը կըմնայ խակ, հետեապէս այդ միջոցը օգուտի փոխարէն միայն վնաս կտայ:

10. Հիւանդութիւններ եւ վնասատուներ.

Բամբակի հիւանդութիւններից ամենալուրջը և Անդրկովկասում ամենատարածւածը հանգիստնում է «չոռ» կամ «աղ» կոչւած ժանգը, որի ժամանակ կարմրում կամ մթաղնում են բամբակի նախ տերևները, ապա ցօղուններն ու պլտուղները: Այնուհետև տերևներն ու մատղաշ կնգուղները թափւում են, իսկ խոշորները չեն հասունանում և չորանում են: Այդ հիւանդութիւնն ամենից յաճախ նկատւում է ջրի լճացած տեղերում կամ երբ հողն ուժից ընկած է, և

առհասարակ վատ ու անփոյթ մշակութեան դէպքում: Հետեապէս բամբակի աւելի աշալուրջ մշակութիւնը և դաշտի պարարտացումն ամենալաւ միջոցներն են այդ հիւանդութեան դէմ: Կարմիր ժանգի ժամանակ, որ սովորաբար յայտնւում է շոգ ու չոր ամրանը կամ տաք ու չոր քամիներից յետոյ, տերևների ստորին երեսի վրայ բազմանում են մանրիկ միջատներ (клепчик), որոնք ծծում են տերևների հիւթը և դրանով արագացնում բոյսի չորանալը: Այդ միջատների դէմ երևանեան նահանգում վերջին երկու երեք տարիներն սկսել են մեծ չափով գործադրել ծծմբ սփռելով բժշկութիւն, այսինքն Վերմորելի, այսպէս կոչւած, տորպիլներով բամբակի բոյսերի վրայ փշում են ծծմբի փոշի, ինչպէս որ անւում է խաղողի վաղերը բժշկելու ժամանակ: Եթէ այդ միջոցը գործադրւում է իր ժամանակին, այն է վաղ առաւօտեան, երբ բոյսերի վրայ դեռ ցօղ կայ և անւում է խնամքով, տալիս է աշող հետեանք: Բայց աւելի լաւ արդիւնք է ստացւում, երբ բժշկութիւնը լինում է ոչ լոկ միայն ծծումբով, այլ Փարիզեան կանաչի և կրի հետ խառն, այն է 1 գրամքայ կանաչ, 2 գրամքայ կիր և 6 գրամքայ ծծմբափոշի՝ այդ դէպքում միջատները ոչնչանում են վերջնականապէս: Սակայն այս վերջին բժշկութիւնը, համեմատած առաջինի հետ, նստում է երկու անգամ աւելի

Թանգ, այսինքն մի դեսեստինին 15 բուբլի, մինչդեռ առաջինը 7—8 բուբլի ծախս է պահանջում։ Որովհետև վերջին բեցեպտով՝ դեղի բաղդադրութեան մէջ կայ նաև կիր, ուստի սրա գործադրութիւնը շատ նպաստաւոր է բամբակի և մի այլ հիւանդութեան վերաբերմամբ, այն է անտրակոզնի սունկի դէմ, որ երբեմն նոյնպէս խիստ տարածւում է, դիցուք 1910 թ. Բորչալուի դաւառում, մասնաւորապէս Յուրինեան պլատֆորմի ըայօնում, որտեղ անտրակոզը ոչնչացրեց տեղ տեղ բամբակի բերքի մինչև 20 տոկոսը։ Անտրակոզի դէմ, որ ճարակում է բամբակապտուղները, յանձնարարւում է կիր փշել կնգուգների վրայ նոյն ձևով, ինչպէս անում է ծծրմբափոշիով բժշկելիս։

Բամբակի վրայ ամենատարածած վնասատուներին մէկը հանդիսանում է պտղաճիճուն, որ պտուղներն է ուտում, յատկապէս մատղաշները, այդ պատճառով նա աւելի վտանգաւոր է դառնում, երբ արտը ջրում է շատ։ Յուրտ և խոնավ եղանակին, բամբակի տերէներին ստորին երեսի վրայ երևան է գալիս ափիսը (շիրինա), որ պաղ և կաւային հոգեբում, նաև աւելորդ չափով ջրելիս, շարունակում է մնալ յամառօրէն և երկար ժամանակ, սա նոյնպէս խիստ կանգնեցնում է բամբակի աճեցողութիւնը։ Շիրինայի դէմ ումանք յանձնարարում են գործադրել կլաս-

սիայի հեղուկ, — 4 գրւանքայ կլասսիա և 2 գրւանքայ սապոն 10 վեդրօ ջրի մէջ։ Պատրաստելու եղանակը հետևեալն է. 4 գրվ. կլասսիան եռացնում են 3 վեդրօ ջրի մէջ երեք ժամից ոչ պակաս և 2 գր. սապոնը լուծում են 2 վեդրօ ջրում, ապա երկու հեղուկները խառնում են միմեանց և աւելացնում 6 վեդրօ ջուր։ Սակայն այդ լուծւածքի գործադրութիւնը չափազանց դժւարանում է նրանով, որ բամբակն այդ ժամանակ լինում է շատ փոքր հասակի, ընդամենը մի քանի վերջոկ, որի համար սրսկելը դառնում է շատ մժուլ և ծանր աշխատութիւն։

11. Սերմացու հունդ վեցնելը.

Սերմացուի ընտրութիւնը բամբակագործութեան աջողութեան համար ունի ահազին նշանակութիւն։ Եթէ ամեն տարի սխառեմատիքաբար լաւ հունդ ընտրել ցանելու համար, այսինքն վերջւի լաւ բամբակաբոյսերից — ամենապտղատուներին և շուտ բացւածներին, — և այն էլ ոչ թէ ամբողջ բոյսի վրայից, այլ միայն նրա միջին մասերից կամ ստորին ճիւղերից, որտեղ միշտ ստացւում են աւելի խոշոր և լաւ հասած կնգուղներ — գրանով կարելի է նշանաւոր չափով բարելաւել բամբակի վաղահասութիւնը, բերքատուութիւնը և նրա որակը։

Յամենայն դէպս ցանելու համար պէտք է վերցնել միայն լաւ հասած և չոր հունդ և միշտ բոյսի ստորին կէսից՝ շուտ հասածները, կամ թէ չէ՝ միջին և ստորին մասերից։ Ընդհակառակը, երբեք չպէտք է ցանել վերջին երեսի հունդը, բոյսի վերին մասերից, որոնք սովորաբար լաւ չեն հասունանում և տալիս են ընդհանրապէս մանր ու վատ պտուղներ։ Բամբակի ամենալաւ սերմացուն այն հունդն է, որ ստացւում է սեփական տնտեսութեան մէջ, այսինքն նոյն հողերից և նոյն պայմաններում առաջացած, որտեղ յետագայում անւելու է ցանքը։

12. Սերմացու հունդ գնելը.

Եթէ հարկաւոր է լինում բամբակի սերմացուն գնել ուրիշ տեղից, ապա պէտք է գնել ամենալաւը, ընտիրը, շուտ բացւողը և ամենալաւ տնտեսութիւններից։ Ներկայումս Անդրկովկասի և Թուրքեստանի ամենալաւ հունդը «կինգ» վաղահաս տեսակի սերմն է, որ միւս տեսակներից շատ առաջ է բացւում և տալիս է 3-6 տոկոս աւելի մահլոճ բամբակ։ Այդպիսի հունդ ստանալու համար պէտք է դիմել ամենից առաջ պետական բամբակի գաշտերին, որովհետև այժմ բոլոր բամբակ առնողներն՝ իմանալով այդ հնդի ահագին պահանջը և բարձր գինը՝ իրանց ունե-

ցած բամբակի բոլոր սերմերն անւանում են «կինգ», ինչպէս Անդրկովկասի գինեվաճառները, որոնք ամեն տեսակի գինի տալիս են Կախէթի գինու տեղ։ Ընդհակառակը, երբեք չպէտք է հունդը գնել բամբակահան գործարաններից (չըրդատներից), որտեղ հաւաքւում են բամբակի սերմեր զանազան նահանգներից, այլ և այլ բայօններից, զանազան մարդկանցից, բամբակի տարբեր երեսներից և այդ բոլորը կուտակւում են միատեղ, ուր յաճախ պատահում են խոնաւ սերմեր, որից նրանք տաքանում են, փթում և ծլելու յատկութեամբ՝ ցանելու համար անպէտք են դառնում։

Այժմ Թուրքեստանի մէջ չրդատներում ցանելու հունդը ծախւում է փութը 80—90 կոպէկից ոչ պակաս, իսկ մեծ քանակութեամբ երկաթուղով Անդրկովկաս բերել տալու ժամանակ՝ ճանապարհածախսով և մէշոկներով՝ նստում է փութը 1 ր. 60 կ.։ Ոչ մի մասնաւոր անձնաւորութիւն և ոչ մի դէպքում չպէտք է բամբակի սերմ ստանայ Ամերիկայից կամ Եգիպտոսից, ապա թէ ոչ՝ սերմի հետ միասին հեշտութեամբ կարող է ներմուծւել մեր երկիրը վտանգաւոր հիւանդութիւններից մէկն ու մէկը, և կամ, որ աւելի վատթար է, մեքսիկական երկայնակնճիթ բզեզը։ Այն ժամանակ Ռուսաստանում մեր բամբակագործութիւնն ուղղակի կոչնչանայ։

13. Հողի ուժասպառութիւնը.

Ոչ մի բոյս այնպէս սակաւ չափով ուժասպառ չի անում հողը, ինչպէս բամբակը, եթէ նրա բերքից հունդն ու ցօղունները վերադարձեն իրան՝ իրըն պարարտութիւն, այսինքն եթէ հողը պարարտացւի բամբակի ցօղունների մոխրով և անասունների աղբով, որոնց համար իբրեւ կերակուր գործադրած է եղել բամբակի հունդը: Բայց երբ հողից վերցւում է և բամբակը, և ցօղունները, և հունդը, իսկ հողին ոչինչ չի վերադարձնւում, ապա այդպիսի պայմանների մէջ բամբակը շատ սաստիկ կուժասպառի հողը, ինչպէս այդ տեսնում ենք Անդրկովկասի բոլոր տեղերում, մասնաւորապէս Երևանեան նահանգում: Ուր բամբակի բերքը հողի ուժասպառութեան շնորհիւ շատ է իջել և բոյսն էլ խիստ հիւանդանում է «չոռից»: Մեզանում ամեն տեղ բամբակի դաշտերը խիստ ուժասպառւում են, որովհետեւ ամբողջ հունդը և քուսպը արտահանւում է Ռուսաստան և արտասահման, իսկ մեր անասունները անում են սոված և կերի պակասութեան պատճառով ոչնչանում են: Ուստի, որպէս զի բամբակի դաշտերը շատ չուժասպառւեն, անհրաժեշտ է խստացնել հունդն արտահանելու միջոցները. այն ժամանակ հունդը մեզա-

նում աւելի էժան կլինի և կգործադրւի անասունները կերակրելու և դաշտերը պարարտացնելու համար, ապա թէ ոչ՝ դրամատէրերն ու գործարանատէրերը հարստանում են, իսկ երկիրն աղքատանում է:

|||

14. Հողի պարարտացումը.

Որպէս զի բամբակի բերքը չընկնի, այլ բարձրանայ և որպէսզի հողը չուժասպառւի, չաղքատանայ, այլ հարստանայ, անհրաժեշտ է նրան պարարտացնել ամեն տեսակ աղբով, խոշոր ու մանր եղջիւրաւոր անասունների և ձիւն փէյրնով. կարելի է պարարտացնել նոյնպէս մոխրով, կրով, առուների տիղմով, զանազան բուսական մնացորդներով և զիբիլով, որոնք խիստ փութաբացնում են հողը, աւելացնում նրա արգասաւորութիւնը և արագացնում են բամբակի բացւելը: Հանքային պարարտանիւթերից ամենից աւելի կարևոր են ֆօսֆօրաթթուտային պարարտութիւնները, որոնք շտապեցնում են բամբակի հասունանալը, նաև բորակայինները, որոնք շատացնում են բերքի քանակը:

15. Բամբակի ցանքավորութիւնը.

Երբ միևնոյն հողի վրայ մի քանի տարի շարունակ և անընդհատ բամբակ է ցանւում, մանա-

ւանդ առանց պարարտացման, բերքն արագօրէն պակասում է թէ հողի ուժասպառումից—աղքատանալուց և թէ յոգնածութիւնից, այսինքն հողի միակողմանի մննդատուութիւնից։ Ուստի երբէք այդ ձեով չպիտի վարեւ, այլ հարկաւոր է փոփոխել ցանքը, այն ժամանակ բոլոր բոյսերն էլ լաւ բերք կտան։ Այսպէս, օրինակ, բամբակը լաւ բերք է տալիս եօնջատեղում, խոտատեղեղում, բրնձից յետոյ, բոստանատեղում, իսկ բամբակից յետոյ առանձնապէս լաւ են լինում բոլոր հացահատիկները—ցորեն, գարի, եգիպտացորեն և այլն։

16. Քամիներից պաշտպանելը.

Այն տեղերում, որոնք ենթակայ են ուժեղ քամիների, մանաւանդ ամրանը և աշնանը, խիստ ցանկալի է, որ բամբակի արտը լինի զօրեղ քամիների հոսանքի դէմ ձգւած բլուրների, ծառերի կամ ցանկապատերի պաշտպանութեան ներքոյ։

17. Անասուններից պաշտպանելը.

Բամբակի արտն անասուններից ազատ պահելու համար շատ օգտաւէտ է նրա չորս կողմը երկու-երեք կարգ գէրջագ ցանել, որին չի դիպչում ոչ մի անասուն, ուստի և բամբակն էլ անփխս է մնում։

18. Բամբակի չանագելն ու տեսակների բաժանելը

Բամբակը պէտք է չանագել (քաղել, ժողովել) միշտ միմիայն հասած, չոր և լաւ բացւած զօղաններից (կնգուղներէից)։ Միեւնոյն ժամանակ անհրաժեշտ է առաջին, երկրորդ և երրորդ երեսների չանագածը ջուկ ջուկ պահել և անպայման առանձին վերցնել այն բամբակը, որի հունդը պէտք է սերմացու լինի և երբէք չպէտք է խառնել միասին ու մի կոյտ դարձնել։

19. Պահելն ու չորացնելը.

Բամբակն անհրաժեշտ է պահել միշտ չոր սրահներում, ուր լաւ քամի է խաղում։ Խոնաւ և բոլորովին ծածկւած սրահների մէջ բամբակը կարող է տաքանալ և մինչև անգամ այրւել ու փչանալ։ Խոնաւութիւնից բամբակը կմթագնի, կայրւի, կկորցնի իր արժէքը, իսկ սերմերը կամ կփթեն ու կհոտեն կամ կդառնան բոված սուրճի նման և միանգամայն անպէտք։ Իսկ երբ դեղին ու խոնաւ բամբակն աշնան արևի տակ չորացնում են, նշանաւոր չափով լաւանում է նրա յատկութիւնը, որովհետև աւելի սպիտակում է նա ու գեղեցկանում։

20. Բամբակը ջինսով մաքելը.

Բամբակը հնդից հարկաւոր է մաքրել ջինսով—բամբակահան մեքենայով միայն այն ժամանակ, երբ նա լաւ չորացած կլինի, այսինքն երբ հունդը ատամներով սեղմելիս՝ ճաքի, ինչպէս կաղինը, ապա թէ ոչ՝ նա լաւ չի մաքրւի, կկտրւի, կըռնի սղոցները և հետևապէս նրա մի մասը կմնայ հողի վրայ և կկորչի իր ուր:

Կօտտօն-Ջինսերը կամ բամբակը հնդից մաքրող մեքենաները, նայած սղոցների թւին—25—60—80, ծախւում են հատը 300 ըուբլի և աւել, ու մաքրում են մի օրում 30—50—100 փութ և աւելի բամբակ. այդ կախւած է ջինի շինւածքից ու մեծութիւնից և թէ ինչ շարժող ուժով է բանում—ձիով, ջրով, նաւթով թէ շոգիով:

Այն տեղերում, ուր այդպիսի մեքենաներ քիչ են, նորերն առնել առևտրական նպատակով շատ շահաւէտ է, որովհետեւ դրանցով բամբակ մաքրելու համար իբրեւ վարձ վերցնում են՝ նայած հանգամանքներին՝ մաքրած բամբակի, երբեմն և սերմի $\frac{1}{30}$ ից մինչև $\frac{1}{20}$ մասը. մի խօսքով, ջինսերը տալիս են իրանց տէրերին մեծ արդիւնք, որ շատ անգամ, մէկ կամ երկու ամսւայ ընթացքում, հանում է մեքենայի գինը և տեղը

գնելու բոլոր ծախսերը: Այդ պատճառով չափազանց կարևոր է և անհրաժեշտ, որ եթէ հնարաւոր է, ջինսեր դրեն Անդրկովկասի բոլոր գիւղերում, ուր բնակչութիւնը պարապում է բամբակի արդիւնաբերութեամբ և երբէք չկենտրոնանան բամբակ առնողների ձեռքում ու կազմեն նրանց համար մենավաճառութիւն. այլապէս, բամբակ առնողներն օգտւելով այդ մեքենաներով՝ իրանց շահերի համար՝ վերջին տարիներս աշխատում են արդիւնաբերողներից գնել ամբողջ բամբակը հնդով, որովհետեւ այդ դրանց համար միշտ շահաւէտ է. այդ ձևով նրանք գնում են բամբակն աւելի էժան և հունդն էլ մնում է իրանց ձրի:

21. Հունդն իբրեւ անասունների կերակուր եւ պարարտութիւն.

Բամբակը երբէք չպէտք է հնդով, այսինքն առանց մաքրելու, վաճառել, որովհետեւ անհրաժեշտ է ամբողջ հունդը թողնել տեղում անտեսութեան մէջ. լաւ, ընտիր հունդն անել սերմացու, իսկ մնացածը գործադրել անասունները կերակրելու և բամբակի դաշտերը պարարտացնելու համար: Բամբակի հնդով կարելի է կերակրել եղներ, գոմէշներ, կովեր, հորթեր և ոչխարներ, տալով հունդը դարմանի հետ միասին. խոշոր

անասուններից իւրաքանչիւրին օրական պէտք է տալ 3—4 գրւանքայ, մինչև 5 գր., իսկ ոչխարին՝ օրը 1 գրւանքայից ոչ աւել: Կթւող կովերին օրական 3 գրւանքայից աւելի չպէտք է տալ, հակառակ դիպւածում՝ կաթն ստանում է անախորժ համ: Անասունները դրանից շուտով կազդուրւում են, այսինքն դառնում են աւելի ուժեղ, չաղ, մառառ ու կաթով: Հնդի քուսպով, — այսինքն իւղը հանելուց յետոյ մնացած չէչով, — կարելի է կերակրել անասուններին աւելի մեծ վստահութեամբ, որովհետև նա սակաւ իւղալի է և աւելի անվտանգ անասունների համար: Վերջապէս այդ քուսպով ու հնդով կարելի է պարարտացնել արտերը, որովհետև նրանք հարուստ են բորակով և ֆօսֆօրի թթւութեամբ, բայց աւելի օգտակար է նրանով նախ կերակրել անասուններին և ապա անասուններից ստացւած աղբով պարարտացնել դաշտը: Այդպէս են վարւում գերմանացիք, անգլիացիք և ամերիկացիք: Իսկ մենք կոպիտ սխալ ենք անում, երբ այդ բոլոր թանկագին նիւթերը բաց ենք թողնում արտասաման — կշտացնելու արտասամանեան անասուններին և պարարտացնելու նրանց դաշտերը, մինչդեռ մեր անասունները մնում են սոված, յաճախ սատկում են սովածութիւնից, մեր հողերը միշտ աւելի ու աւելի ուժասպառւում են,

բամբակի բերքն ընկնում է, իսկ հնդի գինն արագօրէն բարձրանում:

22. Բամբակի ծախսը.

Անդրկովկասում՝ մեծ մասամբ արհեստական ոռոգումով՝ կանոնաւոր կերպով բամբակ արդիւնաբերելու համար՝ իւրաքանչիւր մի դեպքաւորի վրայ արւած ծախսը պէտք է լինի հետևեալը.

1. Հողի աշխան վարը գութանով . 10—15
2. „ պարարտացնելն աղբով, մոխրով, կրով և այլն . . . 8—10
3. „ դառնան կրկնավարը արօրով կամ չթով 5—6
4. Յանելուց առաջ ցաքանելը . . . 2—3
5. Յանելը շարքացան մեքենայով կամ ձեռքով 5—8
6. Ջրելու համար մարգեր (առուներ) պատրաստելը 2—3
7. Բամբակի բոյսերի նոսրացնելը . 8—12
8. Ջրելը 3—4 անգամ 3—4
9. Ձեռքի ուրագներով (թոխիկներով) քաղհանելը 25—40

10. Ձիով քաղհանելու ու հողը փութա-
բացնելը 6—12
11. Յօդունների ծայրեր տալը . . . 2— 3
12. Չանազը—բամբակ ժողովելը—
(50—80 փ.) 20—32
13. Բամբակը ջինով մաքրելը . . . 5— 7
14. Բամբակը դաշտից տուն բերելը. . 3— 5
15. Հողի կապալը (արենդ) . . . 20—40

Գումար . . . 124—200

Համ կլոր թւերով՝ մի գեսեատինի վրայ 125-ից
մինչև 200 ըուբլի ծախս:

23. Բանուրի օրավարձը.

Վերջին տարիներս Անդրկովկասում ամեն
տեղ բանուր ձեռքերի արժէքը սաստիկ բարձրա-
ցել է և տատանւում է տարւայ զանազան եղա-
նակներին՝ օրական 50—60 կոպէկից մինչև 1 ռ.—
1 ռ, 20 կ. և նոյն իսկ 1 ռ. 50 կ.

24. Բամբակի եւ ճնդի գինը.

Վերջին երկու տարում բամբակի և հնդի
դինը խիստ բարձրացաւ.— հնդուրը (հնդով բամ-
բակը)՝ փութը 3 ռ. և 3 ռ. 50 կոպէկից հասաւ


4 ռ.—4 ռ. 50 կոպէկի, մինչև անգամ 5 ըուբ-
լու, իսկ մահլուճը (մաքրածը)՝ 10 ըուբլուց
բարձրացաւ 12—13 եւ վերջապէս 14—15 ռ.
եւ աւելի: 1909 եւ 1910 թւերին այդպիսի
գներ կային արդինաբերութեան տեղերում,
Անդրկովկասում և թուրքեստանում. իսկ Մոսկ-
ւայում և Լոձում՝ համապատասխանօրէն 1¹/₂—
2 ռ. և աւելի, այսինքն փութը 15—16 ռ. և մին-
չև անգամ 17 ռ.: Այդպէս էլ հնդի գինը, մինչ-
դեռ 1908 թ. իւղի համար փութը ծախւում էր
35—40 կոպ., 1909 և 1910 թւերին բարձրա-
ցաւ 50—60 կոպ., իսկ սերմացու հունդը՝ փու-
թը հասաւ 1—1¹/₂ ըուբլի, նոյնիսկ 2—3 ըուբ.,
և աւելի, մանաւանդ զարնան ցանքի տենդային
շրջանում:

25. Բամբակի արդիւնատուքիւնը.

Անդրկովկասում վերջին տարիներս, շնորհիւ
բամբակի նախկին գների համարեա կրկնապա-
տիկ աւելանալուն, բամբակագործութիւնից ստաց-
ւած արդիւնքը ընդհանրապէս խիստ մեծացաւ և
ստեղծեց երկրում բամբակագործութեան կատա-
րեալ տենդ: Մի գեսեատինից 10 փ. մահլուճ
բամբակի բերքը հազիւ կարող է ծախսերը ծած-
կել. 15—20 փ. բերքից արդէն ստացւում է
100—150 ռ. արդիւնք, իսկ 25—30 փ. մահ-

լուծի բերքը տալիս է յաճախ 200—300 բ. զուտ արդիւնք:

1911 թւին Ամերիկայում ստացւած բամբակի անագին բերքի շնորհիւ, որ հասաւ 200 միլիոն փթի, բամբակի գներն ամեն տեղ սաստիկ ընկան — մահլուծին՝ փութը 4—5 բուբ., իսկ հնդաւորին՝ $1\frac{1}{3}$ —2 բ.: Այդպիսով 1911 թւին՝ 1910 թւի համեմատութեամբ՝ բամբակի արդիւնաբերութիւնը 30—40% պակաս շահ տւեց:





ՀՀ Ազգային գրադարան



NL0293585

19.090

ԳԻՆՆ Է 5 ԿՈՊ.